

乾嘉名儒年譜

陳祖武先生選
清人年譜系列

◎本社影印室 輯

◎北京圖書館出版社

乾
嘉
名
儒
年
譜

陳祖武先生
清人年譜系列

◎本社影印室 輯


◎北京圖書館出版社

乾嘉名儒年譜

⑩

存素堂詩續集序

時帆先生詩前集元爲之刊於杭州收入靈隱書藏矣續集未校刻而先生卒先生子中書桂公馨以稿寄江西屬訂而桂公又卒迴憶二十餘年交誼傷悼不已念先生具良史才主持詩派衷於雅正足爲後學之式平生學問交游敦篤靡已元雖勞於積牘感先生之誼亟爲校閱付刻其年譜一卷乃先生子錄寄雜稿敘成者亦加刪定附於續集之首嘉慶二十一年館後輩阮元序



梧門先生年譜

先生蒙烏吉氏蒙古正黃旗人始祖諱福樂者以軍功從龍入關隸內府正黃旗六傳而至先生始名運昌字開文號時帆乾隆五十年以陞庶子具謝摺

高宗純皇帝特改名法式善法式善者滿洲語黽勉上進也又自號梧門以幼時韓太淑人課讀之所每日散學視梧陰逾門限耳曾祖諱六格官內管領

誥授中憲大夫曾祖母趙氏

誥封恭人祖諱平安貢生內務府員外郎

誥授中憲大夫祖母張氏

誥封恭人父諱和順

圓明園銀庫庫掌母韓氏本生父諱廣順乾隆庚辰科順天

鄉試中式本生母趙氏三代皆以先生

誥贈通議大夫翰林院侍讀學士國子監祭酒加五級妣皆贈淑

人

乾隆十八年癸酉

是年正月十七日寅時先生生於西安門養蜂坊兄弟四人皆趙太淑人出先生居長生一月即奉祖命嗣伯父後次弟會昌十七歲歿三弟恩昌二十七歲歿今惟四弟壽昌官內管領

乾隆十九年甲戌

二歲

乾隆二十年乙亥

三歲

乾隆二十一年丙子

四歲

乾隆二十二年丁丑

五歲移居海淀之冰窖北上坡

乾隆二十三年戊寅

六歲患耳瘡七閱月復患口瘡三閱月韓太淑人每守視之太淑人嫺吟咏日賦雁字詩排悶先生所刻帶絲草堂遺詩是也

乾隆二十四年己卯

七歲從文安邢公如澍讀書

乾隆二十五年庚辰

八歲

乾隆二十六年辛巳

九歲從大興陸公廷樞讀書

乾隆二十七年壬午

十歲閏五月十四日先生丁父憂其後乾隆五十九年同
官祭酒山陽汪公廷珍爲補作墓表先生家貧不能延師
韓太淑人親課授離騷陶詩口爲講解以慈母兼嚴師云
乾隆二十八年癸未

十一歲隨韓太淑人寓外家外家家日替而轉食于外家
之戚至是一二月輒易一師太淑人每日燈下必嚴覈讀
書未嘗或弛也

乾隆二十九年甲申

十二歲先生之祖卒

乾隆三十年乙酉

十三歲

乾隆三十一年丙戌

十四歲遊萬壽山至湖上有紀遊五古詩爲韓太淑人所稱賞

乾隆三十二年丁亥

十五歲太淑人典衣買善本十三經及字典諸書有志藏書自是年始

乾隆三十三年戊子

十六歲選入咸安宮肄業教習爲錢塘盧公鳳起已卯舉人揔理爲揔憲滿洲觀公保揔裁爲餘姚盧公文昭通州王公大鶴皆一時聞人

乾隆三十四年己丑

十七歲

乾隆三十五年庚寅

十八歲

乾隆三十六年辛卯

十九歲是年雨大路絕行人者數日居僧寺中讀書往往
絕糧院試取入學第二

乾隆三十七年壬辰

二十歲讀書西華門外南池子僧寺中

乾隆三十八年癸巳

二十一歲仍寓寺中讀書兩飯俱在官學中夜則棲息禪
榻太淑人爲定姻傳察氏是年以詩龕署于僧齋

乾隆三十九年甲午

二十二歲韓太淑人病肺晨夕不離時時執先生手泣涕
三月初七日卒先生痛不欲生不親文宇苦次山中其後
乾隆五十九年同官祭酒山陽汪公廷珍爲補作合葬墓
表

乾隆四十年乙未

二十三歲依其三叔父諱信順居豐盛衚衕仍讀書西華
門僧寺中

乾隆四十一年丙申

二十四歲補廩膳生

乾隆四十二年丁酉

二十五歲傅察氏來歸

乾隆四十三年戊戌

二十六歲讀書德仁園宅

乾隆四十四年己亥

二十七歲在己亭英貴家共讀書朝出安定門騎射八月十九日長女生鄉試中式九十五名考官大學士漳浦蔡公新禮部侍郎後官尚書滿洲達公椿房考官編修後官吏部侍郎歙縣曹公城

乾隆四十五年庚子

二十八歲與甲午舉人後官知府德英讀書智化寺會試中式九十五名考官禮部尚書滿洲德公保禮部尚書新建曹公秀先工部尚書涪州周公煌工部侍郎後官工部尚書仁和胡公高望房考官編修後官給事中合肥蕭公

際韶

殿試三甲引

見奉

旨改庶吉士大教習大學士阿公桂大學士無錫嵇公璜署大學士英公廉分教編修後官運使季公學錦旋派

武英殿分校

乾隆四十六年辛丑

二十九歲散館

授職檢討旋派幫辦翰林院清祕堂事充四庫提調同事則王公仲愚德公昌百公齡瑞公保五公泰汪公如藻許公兆棠

陸公伯焜

乾隆四十七年壬寅

年三十歲官檢討二月四庫全書第四分告成議敘

錫宴於

文淵閣有

御製聯句詩墨刻筆硯紙墨文綺如意之賚七月陪瑞公保引
見赴灤陽

乾隆四十八年癸卯

年三十一歲二月扈

蹕

西陵墜馬傷臂先生手戰之疾自是年始五月

上特試賦得五月鳴蜩五言八韻詩一首越二日有日講起居

注官之

命十月官國子監司業恭賦大成殿

欽頒周範銅十彝器歌并屬工重摹其象于冊其戟門兩旁石鼓
以朱闌護之至今不廢

乾隆四十九年甲辰

年三十二歲官司業是年

特建辟雍前後堂廉鼎新官僚胥移南學視事同事揔理大學士

漳浦蔡公新先生座主也

乾隆五十年乙巳

年三十三歲官司業正月

恩詔加一級二月

臨雍禮成先生恭和

御製詩被賞 納妾李氏九月官左庶子具摺謝

恩有改名法式善之

命

乾隆五十一年丙午

年三十四歲二月官翰林院侍講學士永樂大典告竣加
一級四月丁本生母趙太淑人憂授徒於忠勇公第中纂
同館試律彙鈔補鈔成刊行之

乾隆五十二年丁未

年三十五歲官翰林院侍講學士五月奉

命充

文淵閣詳校官於閣之後廊每日校書

乾隆五十三年戊申

年三十六歲轉侍讀學士奉

旨充日講官